

大清律集解附例

課程

糧賦之外有課稅山海地澤自然之利
漢皆征入少府以供私用歷代未有其
目唐律賦稅課雖見於各條無專名也
至明始立此篇 國朝因之貨物之稅
曰課額征之數曰程

大清律集解附例卷八

秀水沈天易先生原註

武林洪引緒舉山甫重訂

戶律

課程

課者稅物之幾程者謂物有貴賤
課有多寡如地利之有程限也

鹽法

凡犯

無私鹽

凡有確貨即是
不必賦之多少

者杖一百徒三年

若帶

有軍器者加一等

流二千
里鹽徒
誣指平人者

加三等

流三
千里拒捕者斬
監鹽貨車船頭匹並

據犯之憑確貨猶盜賊之憑贓証但有確
貨即坐前徒不論其數之多少也律貴諒
心私販而帶軍器意欲何為但有軍器即
加一等不必執之以拒捕也曰平人則非
同販鹽徒之人矣無端誣指必有仇害之
情應坐誣告之律但誣指加三等不
必其已陷于罪也至與捕入抗敵兇強可

知但曾持械捕即坐斬罪不必其有所
殺傷也有軍器下不連殺拒捕即言誣指
言自輕及重換大言之耳引領等四項雖
與其事終與本犯有間故輕一等私挾非
可隱瞞之物挑擔馱載者知情受雇從惡
為奸然與引領等有間故又輕一等
誣告自有本律此日誣指者請到官供獲
非有同狀也將下平人二字者謂其身被
捕獲即將事外無干之人挾嫌妄攀希圖
陷害也必是誣指平人方加三等若供報
同匪脫逃之人法雖不許追究然不得謂
之誣指也
誣指之語雖在有軍器之下而止謂誣指
同匪非連軍器解也凡稱加者不加人于
死此加三等已是漸流即所誣再重已無
可加矣
按罪人拒捕律各于本罪上加二等折傷
以上殺殺人者斬此但拒捕即斬登私販

入官

道引領手

牙人及窩藏

鹽犯寄頓鹽者杖

九十徒

二年半

受挑擔馱載者

與例所謂肩挑背負者不

同

杖八十徒二年非應捕人告獲者就將所

獲私鹽給付告人充賞

同販中

有一能自首者

免罪一體給賞

若一人自犯而自首止免罪不賞仍追原贓

○若

私事發止理見獲人贖

如獲贖不獲人者不追獲人不獲贖者不

坐

當該官司不許聽其展轉攀指違指

官吏以故

入人罪論

謂如人贖同獲止理見發有確貨無犯人者其贖沒官不須追究

官並不許與引相離凡無引者即私鹽也與販私鹽不論多寡但人與贖並獲者杖

違禁之禁其事等干盜賊與別項罪人有異罪人拒捕乃兇頑無知一時偶犯非有成心也至盜拒捕者或執軍器或聚眾人必先有恃強逞惡之心故遇捕即拒其情自不同也

按盜犯拒捕與竊盜拒捕情同罪同惟其拒捕之心必將殺傷事主捕人得贓獲盜以去也故竊盜拒捕必在臨時私盜拒捕必在犯事之處追捕之時方坐斬罪若已獲之後又復逃走而有拒捕之事則是罪人拒捕而非私盜拒捕矣

私盜拒捕皆指同夥與販之人而言若引領等項與受雇挑擔馱載之人畏罪思逃因而拒捕者自照罪人拒捕律不得混擬以斬也

展轉禁指是指所獲之犯人言猶前之誣指也人非現獲即不追究在官司則止理現獲人若在犯人則不許展轉禁指乃本

一百徒三年若帶有軍器隨行者雖未拒捕即加一等杖一百流二千里被獲之犯誣指平人爲同典販者不論有無軍器加三等杖一百流三千里追捕之時時強拒敵不服擒捕者雖不傷人亦斬現獲之盜貨及駝載之車船頭匹並人官共引領私販者牙秤買賣者窩藏盜犯者寄頭並貨者雖非同販亦係同謀並杖九十徒二年半其受雇錢身爲挑擔者頭匹馱送者車船載運者雖非同謀亦係同惡並杖八十徒二年上言車船頭匹入官此則言挑擔馱運人之罪也若非應捕人役而能告首及捕獲送官者就將所獲私盜充實同犯之中有能自首得以免罪者仍依凡人一體給賞按名例云犯罪未發而自首者免其罪猶征正賊盜就本犯自首者言之也此謂數人同犯於內有一人自首或因連累致罪如引領等項之人自首因得發覺

律之定法而是誣指平人此展轉舉指則不論是誰與否一概不許定法如此官吏故違節是故人人罪矣不曰官司展轉舉指而曰不許又曰違者律意可見但何義似指官吏而註內聽其二字最明

如固頭拒捕下手殺傷人脫逃未獲有顯跡者仍須追完蓋止理見獲不允脫逃者謂違指之人無有憑據也既有殺傷使有憑據豈可使殺傷人之兇徒聽其逃而不問乎

其事捕獲同犯人盜乃亦給賞其盜貨耳若一人自犯而自首免罪足矣何賞之有故註云云原贓卽所首之私盜也○若私盜事發當該官吏問罪止許以見獲之盜爲憑將見獲之人問罪不許聽其展轉舉指盜及無辜違者官吏以故入人罪論私盜定法告捕者必須人盜並獲承問者止理見獲人盜蓋事發以確貨爲憑無盜卽不得捕獲其人獲人無盜便同誣指獲盜無人則止將現獲之盜沒官不復追究其人夫人盜兩離卽無實據恐被挾嫌誣陷之端故前節特言犯人誣指之罪此又言官吏違指之罪犯人誣指者加三等則告捕之誣者可知矣官吏違者科故入則應捕人之違者可外矣或謂應捕人不獲盜卽不得捕人違者以誣指論不獲人卽不得再捕違者照官吏以故入人罪論按註曰獲盜不獲人不追

條塩是灶戸煎辦正額已足尚有餘剩者
應收貯在場廳候運司當官價買私煎者
非係竈戸之人私自煎運也貨買字承上
夾帶私煎兩項言

總催知情不究卽是故縱故知情故縱結
言也若有受財故縱者當依法從重論

獲人不獲塩不坐則但不追不坐而已如
私販人多應捕人少當場止獲一人餘者
護塩遁去所獲之人卽可不坐而反坐應
捕人以流罪乎又如現獲之犯供出同販
脫逃人姓名應捕人又行捕獲供証明白
實係同販亦縱而不問反坐應捕人以故
入罪乎律意重在誣攀故止理現獲人塩
然曰不許展轉攀指出展轉攀指之義推
之則其中應有分別當按照律意
非論情事而酌之不得固執也

凡鹽場竈丁人等除歲正額鹽外夾帶餘鹽出

場及私煎鹽貨賣者同私鹽法該管總催知情

故縱及通同貨賣者與犯人同罪

塩場有竈戸所以煎塩辦課者竈丁則竈
戸人丁也日人等則凡在塩場執事承催

婦人之義在從夫夫死從子故罪坐夫
男夫得專制其妻既在家則不應有不知
情者故不分知不知皆坐也子雖不得專
制其母然知情而不諫阻猶身自犯之矣
故知情則坐不知不坐也

諸人皆是也總催管領憲丁者巡覓鹽場
鹽戶並下人等領取工本辦納課鹽俱有
額設之數除正額並外其餘剩之鹽如有
夾帶出場及私自煎鹽而貨賣者同私煎
法論罪總催有掌管辦課之責如知其夾
帶私煎之情故縱不舉及通同貨賣者亦
與犯人同罪蓋官鹽有額夾帶私煎均與
並法有阻故特嚴其法並場無夾帶私煎
之弊則與販者亦無責
緣之門所以絕其源也

凡婦人有犯私鹽若夫在家或子知情罪坐夫

男其雖有夫而遠出或有子幼弱罪坐本婦

決杖一百
餘罪收贖

凡婦人有犯私鹽者若本夫在家則罪坐
其夫若無夫或夫不在家而子知情則罪

或謂買食私鹽者數必不多本為買食因
而貨賣終與私販者有間當加前節婦人
例決杖一百餘罪收贖盡買食之本法贖
貨賣之徒罪亦復有理存以俟考

歸勘者謂有司有地方之責私鹽雖由大
使等衙門巡緝而所在有司與有責焉故
日歸勘原獲衙門不許擅問者恐其貪竊
獲之功而濫及無辜也若不發有司而擅

坐其子夫曰在家則雖不知情亦坐矣子
日知情則不知者不坐矣夫遠出則婦人
得以專制子幼弱則知猶不知也故
罪坐本婦決杖一百收贖所餘徒罪

凡買食私鹽者杖一百因而貨賣者杖一百徒

三年

並法重在興販而買食私鹽者則杖一百
罪買食正以禁興販所以塞其流也若本
為買食因而貨賣以規利則猶
之興販矣故杖一百徒三年

凡管理鹽務及有巡緝私鹽之責文武各衙門

巡獲私鹽即發有司歸勘

原獲

各衙門不許擅

問若有司官吏通同

原獲各衙門

脫放者與犯人

問首依違制

同罪同首節私塩杖一百徒三年有軍者加一等若拒捕斬則減一等也

同罪受財者計賊以枉法從其罪重論

管理鹽務及職司巡私各官雖有緝捕之責而非勘問之人若巡獲私鹽即將人並發所在府州縣有司官歸併勘問原獲各衙門不許擅自推問若已發勘之後有司官吏通同原獲各衙門脫放並犯者並與犯人同罪若因受財而脫放者各計人已之贓以枉法從重論賊罪重從枉法輕則仍科同罪

凡管理鹽務及有巡緝私鹽之責文武各衙門

設法差人於該管地面并附場緊關去處常

川巡禁私鹽若有透漏者關津把截官及所

委巡鹽人員初犯笞四十再犯笞五十三犯

透漏猶疎脫之意自私販之人言之謂把巡失于覺察致被透漏正與下文故縱者對照若解作把巡者透漏即是故縱矣別處失覺察者皆減罪人三等此獨不然雖有三犯之法而其罪特輕蓋此正關把巡與主守會同監獄首有異也

容令軍兵隨同販賣者隨同二年謂因
有私販之人軍兵隨其同犯也
此巡獲私鹽入已指獲並不獲人者言之
若人並巡獲將鹽入已則必私放其人即
是放縱矣其罪相同其事則異
裝謬平人謂將所獲私鹽裝點為平人私
販一同送官以邀捕獲之功或挾嫌怨或
圖詐不遂因而陷害也前誣指者是犯人
妄攀此裝誣者是把巡做作其人雖殊其
情則皆同誣告也

杖六十

公罪

並留職役若知情故縱及容令軍

兵隨同販賣者與犯人同罪

私罪

受財者計贓

以枉法從重論○其巡獲私鹽入已不解官

者杖一百徒三年若裝誣平人者加三等

杖一百

徒三

興販之徒蹤跡詭秘稽察為難防範須密
管理鹽務及職司巡私之官當因時隨事
設立盤詰之法差人干該管地面并附近
鹽場緊關津要處常川往來巡緝私鹽
不得使有透漏若巡緝疎忽致其透漏過
去者開津犯截及所委巡緝各官雖非縱
放難免失察之罪初犯笞四十再犯笞五
十三犯杖六十不言四次以上者止于杖

掣秤盤者批驗所有較定額數之掣官
批驗所當官隨手掣取一二袋以掣為准
而秤盤之所謂抽盤也次節盤驗則盡數
秤盤矣

掣盤之後即于引上印給關防故曰掣盤
關防也

越過批驗所猶越關也故其法同

六十也係公罪並留職役此自不知情者
言之若守截與委巡人員知情故縱其透
漏及容令所管軍兵隨同販賣者與犯人
同罪各杖一百徒三年若因受財而故縱
透漏容令同販者各計入已之贓以枉法
從其罪之重者論○其守截與委巡人員
將巡獲之私鹽匿入已不解官者即是
私鹽矣故杖一百徒三年若將私鹽裝誣
平人稱為捕獲以陷害之者即是誣
指矣故加三等杖一百流三千里

凡起運官鹽每引照額定斤數為一袋並帶額

定耗鹽經過批驗所依引數掣秤盤隨手取袋

掣其但有夾帶餘鹽者同私鹽法○若客鹽

越過批驗所不經掣及引上關防者杖九

十押回

逐盤驗餘鹽以夾帶論罪

客商中引以供國用故支發官鹽亦謂之起運每引正額外帶加耗俱有定數經過巡課批驗所照依原額正耗斤數掣秤盤但有數外夾帶羨餘之鹽即是無引私鹽矣故同私鹽法論罪○若客商將有引官鹽越過批驗所不經官掣秤用使開防者有無奸弊無可稽查故杖九十仍押回本所逐袋盤驗如盤有夾帶餘鹽同私鹽論法

凡客商販賣

有官鹽

當照引發鹽

不許鹽

與引相離

違者同私鹽法○其實鹽了畢十日之內不

繳退引者答四十○若將舊引

不影射鹽貨

有引謂之官鹽無引即私鹽矣客商販引發賣引內被數官鹽謂之退引例應送官截角蓋緣勾銷給引所以杜詐冒繳引所以防影射也

賣鹽了異謂引額已盡別無影射之益但不依期繳引其故止皆四十日影射益貨則其益明是無引者矣非私塩而何

運鹽禁帶軍器必用官船者所以使墨子私販也

者同私鹽法

客商販賣官鹽以引為據故鹽必隨引不許相離若鹽引相離則官私無辨故違者雖係官鹽即同私鹽法論罪○憑引賣鹽既已了畢即當繳引若十日之內不赴所賣地方官司繳納退引者雖無奸弊亦皆四十所以防其漸也○舊引即退引也若不繳納而影射現在鹽貨販賣者則與私販何異故同私鹽法坐罪

凡起運官鹽并窰戶運鹽上倉將帶軍器及不用官船起運者同私鹽法

各場起運官鹽并窰戶運鹽上倉此二項人皆不許將帶軍器運用設立官船若擅帶軍器及不用官船起運另雇私船裝載者同私鹽法論罪不用官船杖一百徒三

年帶軍器

加一等

凡客商將

有引

官鹽插和沙土貨賣者杖八十

中引所以充國用販賣所以利民生若客商將官鹽中掉和沙土貨賣則因利病民矣故杖

八十

凡將有引官鹽不於拘

定

該行鹽地面發賣轉

於別境犯界貨賣者杖一百知而買食者杖

六十不知者不坐其鹽入官

行塩地方各有界限客商賣塩銷引止許在分定地面若將引塩不於拘定該管行塩地面發賣而轉於別境犯界去處貨賣規利者杖一百別境之人知為犯界之塩

犯界如浙鹽入淮淮鹽入浙之謂然客商亦有派定銷引地面若此商于彼商派定

地面貨賣亦是犯界也

犯界賣鹽止杖一百不同私塩論者以是有引之塩應得發賣但罪其犯界耳故買食者亦止杖六十不同買食私塩者之杖一百也

以上各條凡係同私塩法者並入官而不言入官者自節類貨入官之文乃其通例也此條獨曰其鹽入官者謂此雖不

同私鹽之法而其鹽亦應入官也

此越境與販者乃是官司引鹽以其至三千斤以上為數已多必至阻滯彼處之鹽於嚴刑法若未至三千斤自應照犯界村一百之律

律之犯界兼行該地方與派引處所官例之越境則止若越過行該地方也

條例

而買食者杖六十不知者不坐其鹽入官

一越境如准鹽越過浙鹽地方之類興販官司引鹽至二千

斤以上者問發附近衛所充軍其客商收買

餘鹽買求掣摯至三千斤以上者亦照前例

發遣經過官司縱放及地方甲鄰里老知而

不舉各治以罪巡捕官員乘機興販至三千

斤以上亦照前例問發須至三千斤不及三千斤在本行鹽地方

雖越府省仍依本律

此計贖濟數以在法論也

一凡偽造鹽引印信賄囑運司吏書人等將已故并遠年商人名籍中鹽來歷填寫在引轉賣誑騙財物為首者依律處斬外其為從并經紀牙行店戶運司吏書一應知情人等但計贖濟數應流者不拘曾否支鹽出場俱較邊衛充軍

一各鹽運司總催名下該管鹽課納完者方許照名填給通關若不曾納課總催買囑官吏并覆盤委官假指課已倉指上國扶同作弊者俱

本律但言有軍器而不言人數之多少但言拒捕而不言殺人傷人故例補之

聚眾十人以上駕大船而張旗號用兵仗而有響器公然拒敵官兵至于殺人或傷三人以上則與強盜無異故不分首從皆下傷一人二人及不曾殺傷人亦承

大船旗號并仗響器而言
挑負販見其不同

問發邊衛充軍

一各處鹽場無籍之徒號稱長布衫趕船虎北棍好漢等項名色把持官府詐害客商犯該徒罪以上及再犯杖罪以下者俱發邊衛充軍

一凡豪強鹽徒聚眾至十人以上撐駕大船張掛旗號擅用兵仗響器拒敵官兵若殺人及傷三人以上者比照強盜已行得財律皆斬為首者仍梟首示眾傷二人者為首斬決為

凡犯私禁者必用車船頭匠有挑擔販
載之人而後成爲與販彼食人將私鹽負
挑背負易米度日者正與律之私鹽不同
也

從絞監候傷一人者爲首斬監候爲從發邊
衛充軍其雖拒敵不曾殺傷人爲首絞監候
爲從充妻流三千里若貧難軍民將私鹽肩
挑背負易米度日者不必禁捕

一凡兵民聚衆十人以上帶有軍器與販私鹽
拒捕殺人及傷三人以上爲首并殺人之犯
斬決傷人之犯斬監候未曾下手殺傷人者
發邊衛充軍傷二人者爲首斬下手者絞傷
監候傷一人者爲首絞監候下手者發邊衛

充軍爲從滿流其雖帶有軍器不曾拒捕者
爲首發邊衛充軍爲從流二千里若十人以
下拒捕殺人不論有無軍器爲首者斬下手
者絞俱監候不曾下手者發邊衛充軍傷至
二人以上者爲首者斬監候下手之人絞監
候止傷一人者爲首絞監候下手之犯杖一
百流三千里其不曾下手者仍照私鹽本律
治罪其不帶軍器不曾拒捕不分十人上下
仍照私鹽律杖一百徒三年若十人以下雖

有軍器不會拒捕者爲首亦照私鹽帶有軍器加一等律杖一百流二千里爲從杖一百徒三年其失察文武各官交部議處有拏獲大夥私販者交部議叙

一凡竈丁販賣私鹽大使失察者革職知情者枷號一箇月發落不准折贖該管上司官俱交該部議處

一凡回空糧艇如有夾帶私鹽闖關聞關不服盤查聚至十人以上持械拒捕殺人及傷三

人以上者爲首并殺人之人擬斬立決傷人
之犯斬監候未曾下手殺傷人者發邊衛充
軍其雖拒捕不曾殺傷人爲首絞監候爲從
流三千里十人以下拒捕殺傷人者俱照兵
民聚衆十人以下例分別治罪頭舵旗丁頭
舵人等雖無夾帶私鹽但闖關闖關者枷號
兩個月發邊衛充軍隨同之旗丁頭舵照爲
從例枷號一個月杖一百徒三年不知情不
坐賣私之人及竈丁將鹽私賣與糧船者各

1. 10. 1941. 10. 1941.

呈明督撫叅處

一 凡竈獲私販務須逐加究訊買自何地賣自何人嚴緝窩頓之家將該犯及窩頓之人一併照興販私鹽例治罪若私鹽買自場竈卽將該管場使並沿途失察各官題叅議處其不行首報之竈丁均照販私例治罪

一 凡大夥興販聚衆拒捕及執持器械殺傷巡役人等脫逃之梟徒照強盜例勒緝地方文武各官疎縱及上司容隱不叅交部議處

一拏獲私鹽限四個月完結其案內私鹽交與
本處鹽商較時價減十分之一二立即變價
所獲騾馬牛驢如延挨不變以致倒斃著落
該州縣官照中等價值賠補車船等物亦照
依時價據實變價報部查核倘有侵漁捏報
情弊並逾限不行完結及不卽變價報解者
將該州縣分別議處治罪

一鹽船在火溢失風失水者查明准其裝鹽復
運倘有假捏情弊以販私律治罪

一除行鹽地方大縣私販嚴加緝究外其貧難
小民年六十歲以上十五歲以下及年雖小
壯身有殘疾并婦女年老孤獨無依者於本
州縣報明驗實註冊每日赴場買鹽四十斤
挑賣只許陸路不許船裝并越境至別處地
方及一日數次出入如有違犯仍分別治罪
一巡鹽兵捕自行夾帶私販及通同他人運販
者照私鹽加一等治罪

監臨勢要中鹽

按宋朝以用兵之始初令商人輸芻粟于塞下以聽輸粟京師皆優其值而給以鹽謂之折中故曰中鹽商資國用民食官監商民兩利明初猶仍其制至弘治間始停輸粟法而以令輸銀于運司給以引鹽其中鹽之名至今因之

監臨專管鹽法必不自已出名中鹽故須詭作姓名而僥勢非管鹽之人故不言說名

凡監臨鹽官吏詭立名及內外權勢之人中納錢

糧於各倉庫請買鹽引勘合吏領官侵奪民利者

杖一百徒三年鹽貨入官鹽引勘合追繳

監臨謂監臨鹽法者如鹽運司提舉司之類詭名謂不以己名而詭捏偽名也監臨者事權在手內外權貴勢要之人其力足以把持者中納課銀買引行鹽必然侵奪民利故杖一百徒三年鹽貨入官論如私鹽之罪蓋鹽法定制惟許商人納引運賣商賈國用民食官監商民兩利若監臨權勢得以中鹽則強奪鹽商占據地方等弊勢所不免必將沮壞鹽法非獨侵民且以病國故特嚴其禁

阻壞鹽法

客商中鹽原為謀利其轉賣之價必多于
中買之數乃肯轉賣故曰增價客商貪現
成之利買者有諱目之奸上條詭名是托
客商之名此不親支而轉賣亦是詭名之
端實為阻壞之漸

中途轉賣是賣中鹽之引勒舖家轉賣是
買交出之官鹽

凡客商赴官中買鹽引勒合不親赴場支鹽中途

增價轉賣以致轉賣日多中買日少且詭冒易滋因而阻壞鹽法

者買主賣主各杖八十牙保減一等買主轉賣之

鹽貨賣主轉賣之價錢並入官其各行鹽地方舖戶轉

買本主之拆賣者不用此律

鹽引勒合給自戶部掌於運司客商先中
買引勒為憑親身赴場支鹽鹽法定制如
此所以防詐偽之弊也若不親赴支鹽而
中途將所買引勒內之鹽增添原買之價
轉賣於人有違定制必滋詭冒之弊以致
阻壞鹽法者買主賣主各杖八十牙保說
合之人減一等杖七十所支鹽貨所賣價
錢並入官若舖戶轉買客商親支之鹽亦

實者不
在此限

私茶

凡犯私茶者同私鹽法論罪如將已批驗截角

退引入山影射照出茶者以私茶論截角凡

司一處驗過將引紙截
去一角草重冒之弊也

商人買茶必具數報官納引方許販賣其
無引者即私茶也如將已經批驗所驗過
截角之退引仍携入山影射照茶者亦私
茶也並同私鹽法論罪杖一百徒三年若
有軍器拒捕及領引牙人窩藏寄頓挑擔
馱載者罪皆同科茶貨車船頭匹亦入官
然同論者律耳其鹽法
諸條例俱不得同也

條例

一官給茶引付產茶府州縣凡商人買茶具數赴官納銀給引方許出境貨賣每引照茶一百斤茶不及引者謂之畸零別置由帖付之量地遠近定以程限於經過地方執照若茶無由引及茶引相離者聽人告捕其有茶引不相當或有餘茶者並聽竿問賣茶畢卽以原給由引起往賣官司告繳該府州縣俱各委官一員專理

一私茶有興販夾帶五百斤者照見行私鹽例
押發充軍

一凡興販私茶潛住邊境與外國交易及在腹
裏販賣與來京回還外國人者不拘斤數連
知情歇家牙保發烟瘴地面充軍其在西寧
甘肅河州洮州四川雅州販賣者雖不入番
一百斤以上發附近三百斤以上發邊衛各
充軍不及前數者依律擬斷仍枷號兩箇月
文武官員縱容弟男子姪家人軍伴人等與

販及守備把關巡捕等官知情故縱者各降
一級調用失覺察者照常發落若守備把關
巡捕等官自行與販私茶通番者發邊衛在
西寧甘肅河洮雅州販賣至三百斤以上者
發附近各充軍

一做造假茶五百斤以上者本商并轉賣之人
俱問發附近衛分充軍若店戶窩贖一千斤
以上者亦照例發遣不及前數者問罪照常
發落

一陝西洮州河州西寧等處行茶地方但有冒
頂番名將老弱不堪馬二匹以上中納支茶
者官員問罪軍民人等發附近衛分充軍冒
支茶斤俱入官

一凡茶商赴楚買茶應照會典每茶一千斤准
帶附茶一百四十斤令產茶地方官給發船
票開明該商引目茶數不得另給印票收茶
其應行盤查之地方官悉照引目及正附茶
斤驗放不許措勒留難如於部引之外有搭

行印票及附茶不依所定斤數多帶私茶者
即行查拏照私鹽律治罪查驗地方官故縱
失察者照失察私鹽例處分至五司變賣茶
斤如有地僻引多壅滯不能行銷者各商具
呈該司詳報甘撫行令往賣司分照數盤查
聽其發賣辦課

私茗

凡私煎舊貨賣者同私鹽法論罪

凡產舊之所
額設著課係

官主與給有文憑
執照然後許賣

貨引之制會典不載集解云舊制府州縣城門外各設查引帖人如有客貨入城先引引帖照驗收稅如見在貨物與引不合者送官問不知何故違礙又謂即商人之路引更附會不合若貨必有引則凡貨皆同中盜之法恐無此極累之理諸註皆謂引至也則應謂的如舊條引山靈之解矣然日不引引亦于義難解獨謂引會是索商報貨之引引當是俗解提取之意謂客貨一到地網人即應引其貨引報稅者已

匿稅

凡產器之所皆有官設客廠額設磨課煎磨者必先報官納課領照若不辦課私開客廠煎出貨賣者同私鹽法論罪杖一百徒三年及有軍器拒捕與引領等項入官等物亦無不同科也磨利甚微而必隸於官非專為征其課程蓋天地自然之利若不設禁聽民自取則爭奪之端無已時矣

凡客商匿稅不納課程者每五十物貨一半入

官於入官物內以十分為率三分付告人充

賞務官攢欄自獲者不賞入門不引引同匿

稅法

商匠入關門必先取官置號單
倘開貨物憑其引引照貨起稅

○若買

入關而無引是縱之匿矣故同匿稅法俟考

日務官是言落地稅非關稅之比關稅則有極不言置也

頭匹不稅契者罪亦如之仍於買主名下追

徵價錢一半入官

客商之貨應納稅若匿其貨稅不納課程而私賣者笞五十貨物一半入官若出於告發者於入官物內以十分之三充賞告人務官攬攔自獲者不賞以其職分所當然也古制貨必有引貨入關門而不引引貨同罪○若買牛馬騾驢之類則應稅契不稅契亦如笞五十之罪追徵半價入官

條例

一京師及在外稅課司局批驗茶引所但係納稅去處皆令客商自納若權豪無籍之徒結

黨把持攔截生事攪擾商稅者徒罪以上枷
號兩箇月發附近衛分充軍杖罪以下照前
枷號發落

一屯莊居住旗人賣馬者俱令在屯莊所隸之
州縣上稅方准發賣其民間馬匹或賣與旗
人或賣與驛站或兵民互相買賣俱報明地
方官上稅存案如不上稅不存案而私自買
賣者依律治罪追價一半入官

船商匿貨

停請居停也方言販貯貨物曰場貨言容
商將船舶貨物私自停場于沿港所在土

商牙儉之家藏匿不報官也上言船舶到岸即將貨物盡數報官正恐其停場之故下言停藏之人同罪其義甚明箋釋諸書皆誤以停場作泊船解殊謬

此亦匿稅也而罪罰皆重以海客船舶貨多利大且竊該察外番之意故獨嚴之前匿稅係以入官十分之三充賞告人與此不同以海船貨多價重故定賞二十兩即告獲人官之賞不及二十兩而亦賞之則該察者後有隱匿者懼也

凡泛海客商船舶大船到岸即將貨物盡實報官

抽分若停場沿港土商牙儉之家不報者杖

一百雖供報而不盡實罪亦如之不報與報不盡之

物貨並入官停藏之人同罪告獲者官給賞

銀二十兩

泛海客商所販皆外番之貨其船大其貨多必盡數報官照例抽分若停場於沿港土商牙儉之家而不報者杖一百雖經供報到官而隱漏不盡者罪亦加之其不報不盡之貨物並追入官停藏之人同杖一百之罪若有人首告或連人獲送者官給賞銀二十兩

入戶虧兌課程

本各州縣所征額外各項雜稅亦是課程
并有即名課程者

如一商人歲額辦課一千兩米納一百兩
是一分未足如魚戶歲額辦課一兩米納
二錢亦是一分未足

各官辦課有額應以額數為考成分數何
以比附上年辦課不足額必應論罪若上
年不足又可比附平歲謂人戶有額經管
官無額人戶有增減則官課有多少不能
定額也故以上年為準虧兌字義與不足
不同亦以十分論以十分為率不同而
下着落追補還官與追課納官不同其義
可見似應以上年之數作十分論罪而追
補亦止着落各官非追征人戶也俟考
覈字取止缺之義
如催頭所收入戶課程侵欺借用亦是監

凡民間週歲額辦茶鹽商稅諸色課程年終不

納齊足者計不足之數以十分為率一分答

四十每一分加一等罪止杖八十追課納官

○若茶鹽運司鹽場茶局及稅務河泊所等

官不行用心催辦課程年終比附上年課額

虧次兌缺者亦以十分論一分答五十每一

分加一等罪止杖一百所虧課程著落追補

還官○若人戶已納而有隱瞞不附簿侵欺

字自盜故加圖以總承上二節言觀不言官吏而但曰若有其素可知

借用者並計贓以監守自盜論

鹽茶商稅課程之大者諸色如稅務河泊等官所征一應雜稅皆是歲額有數限於週歲之內照額辦足若諸項辦課之人至年終交納不齊足者以額辦之數分作十分為率除納過外如一分不足答四十如等至五分以上罪止杖八十合納之課依數追征○其經管諸課程等官亦以一年為會計之期若不用心催辦至於年終比附上年所征課額有虧欠者各計所虧之數亦以十分論罪虧一分答五十加等至六分以上罪止杖一百所虧課程着落各官追補還官○若有經管經收者將已納課程隱瞞或侵欺入已或私自借用者並計贓以監守自盜論

一鹽課錢糧不完者將經督各官照分數議處

外其各商名下應完鹽課作爲十分欠不及一分者責二十板欠一分者枷號一箇月責二十板欠二分者枷號一箇月半責二十五板欠三分者枷號兩箇月責三十板欠四分者枷號兩箇月半責三十五板欠五分者枷號三箇月責四十板以上欠課各商題案之日扣限一箇月全完者免處如逾限不完照此例枷責如於枷限內照數全完者釋放免責如枷限滿日仍全不完納除杖責外將該

商咨參革退并帶徵等項俱以引窩變抵欠
六分者將該商杖六十徒一年所欠課項限
四箇月全完欠七分者杖七十徒一年半限
六箇月全完欠八分者杖八十徒二年限八
箇月全完欠九分者杖九十徒二年半限十
箇月全完欠十分者杖一百徒三年限一年
全完以上自六分至十分將該商鎖禁嚴查
家產如限內全完革退商人免其杖徒倘逾
限不完卽將該商發配所欠新課帶徵等項

著落引窩家產變抵

一管收稅課錢糧倘有隱匿加倍著追如接收
官不行清查上司不行轉報題叅俱著落分
賠

錢債

錢債之事唐律在雜律中凡六條明并
為三條增官吏聚強之田私債而準折
隱奪其法加詳今無損茲

凡民間錢債均謂之私債

年月雖多不過一本一利謂本利皆未還
而積至年月久遠者也若年年納利本錢
未還者不得統計已還之利而算一本一
利也

一本一利猶名例實錢雖多不得過其本
價之意

當庫係統攝部民之人乃放債典當而取
人主司其事耳上卷九

大清律集解附例卷九

秀水沈天易先生原註

武林洪鄂緒皋山甫重訂

戶律

錢債

違禁取利

凡私放錢債及典當財物每月取利並不得過

三分年月雖多不過一本一利違者笞四十

以餘利計贓重

於笞四十

者坐贓論罪止杖一百

錢債

違禁取利

部民之利雖不違禁亦屬不應故但犯即杖八十違禁亦非強取故止依不枉法

按不枉法賄賂人罪止杖一百流三千里有祿人一百二十兩以上賈縱此註罪止云云謂債賈取利非比受財不應得至於死也

強登前產者即估計所值不及應還本利之數亦杖八十惡其強奪也前產之價未過本利則無餘利可追然本利應償而前產不應強奪故註云強登不追也

準折人妻妾子女節承上豪強之人而言準折者謂將他物準其數而折作錢償以還之係兩相和同之事非由逼勒也然在他物如前產之類則可主準折妻妾子女此八目于惡取賈則豪勢之聲勢可以相寬雖曰和同必非本心雖無逼勒必

○若監臨官吏於所部內舉放錢債典當財

物者不必多取條利有犯即杖八十違禁取利以餘利

計贓重於杖八十者依不枉法論各主者通算折牛科罪有祿人

三十兩無祿人四十兩並杖九十每十兩加一等罪止杖一百流三十里並追餘

利給主兼庶民官吏言其負欠私債違約不還者五

兩以上違三月笞一十每一月加一等罪止

笞四十五十兩以上違三月笞二十每一月

加一等罪止笞五十百兩以上違三月笞三

十每一月加一等罪止杖六十並追本利給

非得已也

律不以以妻妾子女準折還債而曰準折人妻妾子女其義可見故既坐罪給親而債亦免追以償罰之也

強奪者亦為準債而奪非謂奪占而奪也故止加準折罪二等觀下姦占婦女者有因而兩字其義甚明姦者姦宿占者占為妻妾或配與子孫弟姪家人皆是占也或謂強奪而配與子孫弟姪家人應依姦勢之人強占良家妻女律坐絞非也兩律之罪相等而所因不同後原為強占而搶奪此先為準債而強奪既奪之後因而姦占也

主○若豪勢之人於違約不告官司以私債

強奪去人孽畜產業者杖八十無多限餘利

若佔所奪畜價過本利者計多餘之物罪有

杖八坐贓論罪止杖一依多餘數追還主○

若準折人妻妾子女者杖一百姦占加強奪

者加二等杖七十徒因強而姦占婦女者絞

監候所準折強奪之人口給親私債免追

放債典當以通緩急之用取利之中有利濟之義然必有乘人之急而圖利無度者亦必有遲欠違約負賴不還者故立此禁限也凡民間私放錢債及典當財物者律

錢債 違禁取利

月取利並不得過三分如借當銀一兩每月止許加利銀三分年月雖多不過一本一利如借銀一兩按每月三分取利積至三十三箇月以外則利錢已滿一兩與本相等是謂一本一利雖年月之多不得復照三分算利即五年十年亦止還一本一利此債當取利之禁限也如違此禁限而取利三分以上及積算利錢過於其本者笞四十仍計三分之外及過於本錢之餘利坐贓論罪三十兩笞五十則贓罪重於盜四十應從贓論至八十兩以上罪止杖一百○若監臨官吏於所部之內聚放錢債與部民典當部民之財物所取之利雖不違禁亦杖八十若違禁多取利息及過於原本則照前節計其餘利依不枉法論有祿人三十兩無祿人四十兩應杖九十則贓罪重於杖八十應從贓論至一百二十兩以上罪止杖一百流三千里並追餘

利給主總承兩節言之既已違禁即屬取與不和故並給主其民間私債必有歸還期約其負欠私債有故違原約之期不還未至三月弗論至三月者以所欠多寡分三項論罪每一月加一等五兩以上笞一十罪止笞四十五兩以上笞二十罪止笞五十一兩以上笞三十罪止杖六十三項皆至六箇月以上爲罪止之限並追本錢并應得之利給主○若豪強勢要之人私放錢債因其違約不還不告官司而恃強奪去欠債人之孳畜產業者杖八十若估所奪畜產之價過於應還本利之數者計所多餘之物坐贓論加至七十兩則重於杖八十應從贓論依所多之數照追還主不言準折孳畜產業者所欠本利原應償還畜產價值相當彼此情願自弗論也○若欠債人之妻妾子女則非畜產之比可以準折還債者若豪勢以私債而準

折欠債人之妻妾子女雖非強奪亦必有
逼迫不得已之情故杖一百強奪者加二
等杖七十徒一年半因強奪而姦占婦女
者絞人口給親私債免追此二句承上準
折強奪而言

條例

一凡勢豪舉放私債交通運糧官挾勢擅拏官

軍緝打陵辱強將官糧官糧與軍糧不同官糧者漕運赴京上納

正糧也軍糧行月二糧也準還私債者問罪屬軍衛者發

邊衛充軍屬有司者發邊外為民交通緝打準糧三項

有一未合仍該管運糧官叅究治罪
各照律發落

一聽與官吏監生人等借債與債主及保人同赴任所取償至五十兩以上借者革職債主及保人各枷號一箇月發落債追入官

一凡負欠私債在京不赴法司而赴別衙門在外不赴軍衛有司而越赴巡撫司道官處告理及輒具本狀奏訴者俱問罪依楚訴論立案不行若本京別衙門聽從施行者一體察究私債不追

一佐領驍騎校領催等有在本佐領或弟兄佐

領下指扣兵丁錢糧放印子銀者係佐領驍
騎校照流三千里之例枷號六十日係領催
照邊衛充軍例枷號七十五日俱鞭一百夥
同放印子銀者照爲從杖一百徒三年例枷
號四十日鞭一百所得利銀勒迫人官佐領
驍騎校等與屬下兵丁保借者革去職
役該叅領交部議處至佐領驍騎校叅領等
平時失於督察以致該管兵丁將官錢糧扣
還印子銀者俱交部分別議處

一凡有民人交通領催違禁向八旗兵丁放轉
子印子長短錢扣取錢糧者拏送該地方官
照領催枷號七十五日之例減一等枷號四
十日如旗人內有舉放重債勒取兵丁錢糧
並非在本佐領下放債者照民人減等枷責
例發落其失察之該管文武官俱交部議處
八旗佐領每月將有無重利放債借債之人
出具印結呈報該案領案領按季加結呈報
都統查核

坐贓滿數杖一百徒三年本法減一等故
 註曰罪止杖九十徒二年半竊盜律一百
 二十兩以上絞稱准者至死減一等本法
 又減一等故註曰罪止杖一百徒三年
 言有顯跡者所以別于詐言者也
 按倉庫財物言竊盜賊刼奪免罪不貼此
 但言盜賊焚突則雖被竊亦所勿論蓋受
 寄人物與主守官物固自不同也

費用受寄財產

凡受寄

他
人財物畜產而輒費用者坐贓論

以

贓致
罪律減一等

罪止杖九十
徒二年半

詐言死失者准竊

盜論減一等

罪止杖一百
徒三年免刺

並追物還主其破

水火盜賊費失及畜產病死有顯跡者勿論

若受寄財畜而隱匿不認依誣竊律如以產
業轉寄他人戶下而為所賣失自有詭寄盜

賣本

條

凡受人寄托之財物畜產而輒擅費用者
 猶有償還之心非遂乾沒之也故坐贓論
 減一等若詐言畜死財失者欺騙而隱匿
 之有盜之心矣故准竊盜論減一等蓋受

寄之物原在其家與取諸外者稍有不同
故坐贓唯盜皆減一等並追物還主承費
用及詐言死失二項言其所寄財物畜產
若被水火盜賊費失及病死各有顯跡可
據者勿論不坐罪亦不追賠
事出不測非受寄者之過也

條例

一親屬費用受寄財物大功以上及外祖父母
得相容隱之親屬追物給主不坐罪小功減
三等總麻減二等無服之親減一等俱追物
還主

得遺失物

按周禮凡獲貨賄告于士旬而舉之大者
公之小者庶民私之此其遺意也

前節得遺物無主議認即全給此掘得埋
藏之物自是無主者亦應全給故並聽收
用
按唐律于他人地內得宿藏物隱而不送
者計合還主之分坐贓論減三等解者曰
有主之地合與地主中分故隱而不送計
合還主之分論罪此官私地內亦猶他人
地內也特以舊法者謂官私之地雖皆有
主而埋藏之物則不知其主若責其送官
恐啟冒認妄爭之端故除古器鐘鼎符印
異常之物外其餘常物並聽收用也

凡得遺失之物限五日內送官官物盡數還官私

物名人識認於內一半給與得物人充賞一

半給還失物人如三十日內無人識認者全

給五日限外不送官者官物坐贓論罪止杖一
百徒三年

追物還官私物減坐贓二等其物一半入官一半給

主若無主
全入官○若於官私地內掘得埋藏無主之

物者並聽收用若有古器鐘鼎符印異常之

物非民間所
宜有者限三十日內送官違者杖八十

其物入官

遺失之物必有其主得之者限五日內送官官物盡數還官私物有人識認半賞得物人半還失物人三十日內無人識認物主不可踪跡則應屬之得物人故全給也如五日外不送官係官物坐贓論私物減二等其物一半入官一半給還失主若無主認自全入官矣○地內埋藏之物如金銀之類謂無主者也不論官私地內掘得之物並聽收用不必報官若掘得古器鐘鼎符印異常之物則應送官以非民間所得有也違三十日之限不送官者杖八十其物入官

市廛

市廛之事唐律在雜律中明分出名篇而增改焉 國朝亦仍其名貿易之地曰市市之邸舍曰廛皆言牙儈所犯也

大清律集解附例卷十

秀水沈天易先生原註

武林洪弢緒皋山甫重訂

戶律

市廛

私充牙行埠頭

凡城市鄉村諸色牙行及船之埠頭並選有抵

業人戶充應官給印信文簿附寫逐月客商

船戶住貫姓名路引字號物貨數目每月赴

官查照其來歷引貨私充者杖六十所得牙

錢入官官牙埠頭容隱者笞五十各革去

凡城市集鎮貿易物貨去處則必有牙行各路河港聚泊客船去處則必有埠頭此二項人皆客商貨物憑藉以交易往來者也有司官必選有抵業人戶充應彼重身家自知顧惜而無非分之為誑騙之弊即或有之亦有產業可以抵還無虧折之患官給印簿附寫查照則客商貨物皆有所稽查且可以防意外非常之變此立法之意也若不由官司選充而私充牙行埠頭者杖八十並追所得牙用入官若官牙埠頭容隱私充者笞五十各革去另召有抵業人充應

條例

一凡客店每月置店簿一本在內赴兵馬司在外赴有司署押訖逐日附寫到店客商姓名人數起程月日各赴所司查照如有客商病死所遺財物別無家人親屬者官爲見數移招召其父兄子弟或已故之人嫡妻識認給還一年後無識認者入官

一旂民遇有喪葬聽憑本家之便雇人擡送不許作作私分地界霸占扛擡分外多取雇值如有恃强攙奪不容本家雇人者立拏枷號

兩箇月杖一百

一凡在京各牙行領帖開張照五年編審例清查換帖若有光棍頂冒朋充巧立名色霸開總行逼勒商人不許別投拖欠客本久占累商者問罪枷號一箇月發附近充軍地方官通同徇縱者一併叅處

一京城一切無帖舖戶如有私分地界不令旁人附近開張及將地界議價若干方許承頂至發賣酒餉等項貨物車戶設立名牌獨自

霸權不令他人搬運禁把持者罰兩箇月杖一百

一各處關口地方有土棍人等開立寫船保載等行合夥朋充盤踞上下遇有重載雇覓小船起卸輒敢恃強代攬勒索使用以致擾累客商者該管地方官查拏按律治罪

市司評物價

凡諸物牙行人評估物價或以貴為賤或以賤為貴令價不平者計所增減之價坐贓論一兩以下答二

或貴或賤不過不平之罪本是虛賍故坐賍論至于入已則是詐欺之賍故准竊盜論

如竊盜人衣服什物受人假託器玩之類
皆須估計所假之價為贓計贓定罪增輕
作重減重作輕決于許估之人行人必知
時值未有失錯誤估之理致有輕重自屬
有意增減故以故出入論若竊盜匪本值
一百二十兩是流罪增一兩則絞矣枉法
贓本值七十九兩是流罪增一兩則絞矣
贓多者至關生死犯人必有行賄求減贓
家必有行賄求增之事故特嚴之至死不
減也

會典一應貨物皆有一定之價纖悉畢載
仍月取時估非限定也

十罪止杖一百徒三年
入已者准竊盜論查律免刺○

其為以贓入罪人估贓增不實致罪有輕重
罪之

者以故出入人罪論若未決放受財受贓犯
減一等

價輕受事主者計贓以枉法從重論無祿人
之財估價重者計贓以枉法從重論查律坐

罪

行人即牙人諸色貨物之美惡時價之高
低以行人評估為準故曰市司或估賤為
貴或估貴為賤致令物價不得其平者計
所估貴賤增賤減之價坐贓論罪若於中作
為奸弊將所增減之價入已者准竊盜論
至死減一等免刺○犯人有應計贓論罪
者其為估賤不實以致罪有輕重者以故
出入人罪論若未決放聽減一等受財
者計贓以枉法罪與故出入罪從重論

把持行市則公然恃強以取利通同為姦則暗地作弊以謀利情雖不同而皆擾害市廛故其罪同

把持行市

凡買賣諸物兩不和同而把持行市專取其利及販鬻之徒通同牙行共為姦計賣_已物以賤為貴買_人物以貴為賤者杖八十○若見人有所買賣在旁_{混以已物}高下比價以相惑亂而取利者_{雖情非把持}笞四十○若已得利物計賊重_{於杖八十}者准竊盜論免刺_{賊輕者仍笞四十}以本罪科之

兩不和同謂使買者賣者皆不情願之意與下把持二句語意相承如已買物則把

持賣者如已賣物則把持買者卽俗所謂
強買強賣而又不許他人買賣也故曰專
取其利凡市集買賣諸物致使兩不和同
而把持行市高下其價不許他人作主自
專其利者及販賣鬻賣之徒通同牙行共
爲姦計賣已物則高其價而以賤爲貴買
人物則低其價而以貴爲賤者並杖八十
○若見人有所買賣在旁故以口物之價
高下比並以惑亂買賣之人因而于中規
取牙利雖非把持其情可惡故笞四十○
以上二節內把持行市者曰專取其利通
同爲姦者曰買賣賤賤在旁比價者曰惑
亂取利則此三項皆有分外多得之利物
也若已得利物卽計以爲賊准竊盜論前
二項之賊罪重於材入十後一項之賊罪
重於笞四十則從盜科斷免刺至死減一
等

條例

一會同館內外四鄰軍民人等代替外國人收買違禁貨物者問罪枷號一箇月發邊衛充軍

一凡外國人

朝貢到京會同館開市五日各鋪行人等將不係應禁之物入館兩平交易染作布絹等項立限交還如賒買及故意拖延驅勒遠人久候不得起程者問罪仍於館門首枷號一箇

月若不依期日及誘引遠人潛入人家私相
交易者私貨各入官鋪行人等照前枷號
一甘肅西寧等處遇有番夷到來所在該管官
司委官關防督查聽與軍民人等兩平交易
若勢豪之家主使弟男子姪家人等將遠人
好馬奇貨包收逼令減價以賤易貴及將一
切貨物頭畜拘收取覓用錢方許買賣者主
使之人問發附近衛分充軍聽使之人減主
使一等委官知而不舉通同分利者叅問治

罪

一各處客商輻輳去處若牙行及無籍之徒用
強邀截客貨者不論有無誑賒貨物問罪俱
枷號一箇月如有誑賒貨物仍追比完足發
落若追比年久無從賠還累死客商者發附
近充軍

一凡

內府人員家人及王貝勒貝子公大臣官員家人
領本生理霸占要地開津倚勢欺陵不令商

民貿易者事發將倚勢欺陵之人擬斬監候
如民人借貸王以下大臣官員銀兩指名貿
易霸占要地開津恃強賄累地方者亦照此
例治罪又

內府人員家人及王以下大臣官員家人指名倚
勢網收市利挾制有司干預詞訟肆行非法
該主遣去者本犯枷號三箇月鞭一百本犯
私去者照光棍例治罪王貝勒貝子公失察
者俱交與該衙門照例議處管理家務官革

職大臣官員失察者亦俱革職不行察率之
該地方文武官交該部議處

一漢番交界之處每月定場期三次並令公平
交易該管衙門選差兵役稽查如有強買強
賣及短少價值者照把持行市律治罪仍追
原價兵役借端勒指者照衙門人役恐嚇索
詐例計贓治罪如有私入夷穴交易者照私
與外國人交通買賣例分別治罪不嚴行約
束之地方官及該管上司並交部議處

一大小衙門公私所需貨物務照市價公平交易不得充用牙行縱役私取卽有差辦必須秉公提取毋許藉端需索如有縱役失察交部分別議處其衙役照牙行及無籍之徒用強邀截客貨者不論有無誣賒貨物例枷號一箇月杖八十如賊至三十五兩者照枉法贓問擬所得贓私貨物分別給主入官

私造斛斗秤尺

凡私造斛斗秤尺不平在市行使及將官降斛

不平謂不遵官降之制卽不如法也
增減如貼補斲削之類

官降千民必有主司監造之人與工匠以式而令之如法造作若與式不如法則罪在工司造作不如法則罪在工匠律不言坐罪之人者以有罪坐所由之通例也多收稅糧斛而以坐贓論罪止杖一百此收支不平即杖一百坐贓論至滿徒彼是斛面此是增減以其倚法為姦也故入已即以監守自盜論工匠罪其助姦監臨罪其縱姦即失察猶罪其失姦也增收所多減支所餘雖由不平而來已是在官之物因而入已即監守自盜矣官吏作姦而令工匠增減豈能拒之如論工匠之罪亦當推其所由監臨止言官不及吏者以覺舉之權不在吏也此條推第三節不送官勘印不罪工匠以所造無不平也條三節皆科之其意甚微

斗秤尺作弊增減者杖六十工匠同罪○若

官降不如法者

官吏工匠

杖七十提調官失於較

勘者減

原置官吏工匠罪

一等知情與同罪○其在

市行使斛斗秤尺雖平而不經官司較勘印

烙者

即係私造

笞四十○若倉庫官吏私自增減

官降斛斗秤尺收支官物而不平

納以所增出以所減

者杖一百以所增減物計贓重

於杖一百

者坐贓

論因而得

所增減之物

入已者以監守自盜論

併贓

不分首從查律科斷

工匠杖八十監臨官知而不舉者

與犯人同罪失覺察減三等罪止杖一百

同律度量衡王制也斛斗秤尺乃百物之所受裁以爲平者官降一定之式民間遵依製造赴官較勘印烙而後行使所以同風俗一制度不得私有增減若私造斛斗秤尺大小輕重長短不平在市行使及將官降斛斗秤尺作鑿增減者行使人杖六十爲其私造增減之工匠同罪○若官降而不加原額法式者杖七十作法於民而先自弊之故規私造不平者加等科之提調官吏失於較勘者猶是疎慢之過故減一等知其不如法之情而不較勘則是有心之過故與同罪○其在市行使斛斗秤尺雖平準無大小輕重長短之差但不經官較印者亦笞四十恐開私造之端漸致不平之弊也○若在倉庫之斛斗秤尺原由官降以收支錢糧主守倉庫官吏私自

此三應之法若官府則別有造作不如法之條

各字指賣器用布絹等入此

器用布絹不如法

增減以致收支官物增多減少不平者杖一百以所增所減物數計贓照坐贓通算折半贓罪重於杖一百者依坐贓論罪因而將增收所多減支所餘之物入已者以監守自盜不分首從併贓論罪工匠為之增減亦杖八十監臨官知其收支不平及得物入已之情而縱容不舉問者與犯人同罪至死減一等若不知情而失於覺察者減犯人罪三等罪止杖一百謂罪至杖一百則聽減三等如雖減而猶該杖一百以上則亦罪止杖一百也

凡民間造器用之物不牢固正實及絹布之屬

紕薄短狹而賣者各笞五十

器用布絹亦皆有法不牢固正質批薄短
狹即不如法也造織而賣者近於詐欺故
各答五十賣者令人不
如法造織則並坐之

祭祀

前代無以祭祀名篇者唐律散見于各條明類而為一日祭祀 國朝因之

大祀中祀及齋戒事例皆詳後條例內

首節次節言禮儀之違意者 三節四節

言品物之缺損者 末節餘條准此之註

謂別條內有犯大祀之罪者則中祀罪同

如下條毀大祀邱壇及神御之物罪各有

差若毀中祀壇場神物其罪亦同也

大清律集解附例卷十一

秀水沈天易

武林洪弼緒臯山甫重訂

禮律

祭祀

祭享

凡天地社稷大祀及廟享所司

太常寺將祭則先致齋將齋則

先誓戒將戒

不將祭祀日期豫先告示諸衙

門知

會者笞五十因

不告

而失誤行事者杖一

百其已承告示而失誤者罪坐失誤之人亦杖

一○若傳制與百官百官已受誓戒而弔喪問

疾判署刑殺文書及預筵宴者皆罰俸一月

其所知百官有總麻以上喪或曾經杖罪遣充

執事及令陪祀者罪同不知者不坐若有姦

有過不自言者罪亦如之其已受誓戒人員

散齋於外不宿淨室致齋於內不宿本司者並罰

俸一月○若大祀牲牢玉帛黍稷之屬不如

法者皆五十一事缺少者杖八十一座全缺

大祀齋戒七日先四日散齋後三日致齋

一攝謂一件也一座如風雷雷雨等小祀
附入大祀中以祀之也

未宰曰犧曰宰曰牲此喂養止指平時言
特犧始統言之耳

或謂餘條准此所該者廣則刑律盜大祀
神御物坐斬中祀亦斬耶謬矣曰餘條是
言祭祀條內者非曰餘律而可概及也

者杖一百○若奉大祀

在滌

犧牲主司

犧牲所官

喂養不如法致有瘕損者一牲笞四十每一

牲加一等罪止杖八十因而致死者加一等

○中祀有犯者罪同

餘條准此

凡例典所載之大祀及四時廟享所司太
常寺不將應齋戒日期預先告示諸衙門
者笞五十因不告而失誤如不到而失誤
行事或到後而不及報名杖一百已告而
誤則非所司之過也罪坐失誤之人○若
百官於已受誓戒之日而犯戒禁弔死問
疾判署刑殺則身親凶穢筵宴則心志散
逸皆非所以通神明也故罰俸一月有喪
有過之人例不得與執事陪祀所司知而
遺充者罪同罰俸不知者不坐有喪有過

之人不自言迴避者罪亦罰俸已受誓戒
應散齋於外者而不宿於淨室應致齋於
內者而不宿於本司均爲不敬故罰俸一
月○祀典所用牲牢玉帛黍稷之屬皆有
定制若有違錯如宰割失序烹調失節陳
列失次不依定制之法者笞五十若祭品
內一事缺少則非特不如法而已故杖八
十神位前一座全缺則又甚矣故杖一百
皆罪坐所司○若主司犧牲者將奉大祀
犧牲平時喂養不如法瘦損及致死者皆
計牲科罪瘦損一牲笞四十五牲以上罪
止杖八十致死加一等一牲笞五十五牲
以上罪止杖九十此與前節亦皆不敬之
罪而在祭與平日不同故科罪攸異也○
中祀雖與大祀有間而均爲大典事例相
同若犯以上數事亦同大祀論其罰俸笞
杖之罪

條例

一凡

郊祀齋戒前二日太常寺官宿於本司次日具本
奏

聞致齋三日次日進銅人傳

制諭文武官齋戒不飲酒不食葱韭薤蒜不問病

不弔喪不聽樂不理刑不與妻妾同處定齋

戒日期文武百官先沐浴更衣本衙門宿歇
次日聽誓戒畢致齋三日

銅人高一尺五寸手執牙笏加太祝則書
致齋三日中祀則書致齋二日下簡太常
寺進呈于齋所

宗廟

社稷亦致齋三日惟不誓戒

一大祀前三月以犧牲付犧牲所滌治如法中
祀前三十日滌之小祀前十日滌之大祀祭

天地

太社

太稷也廟享者祭

太廟

山陵也中祀如朝日夕月風雲雷雨嶽鎮海濱及

天地社稷壇外有日月星辰岳鎮海瀆山川諸神二十四壇皆中祀也本律不言毀損棄毀遺失誤毀中祀之罪前條曰中祀有犯者罪同註曰餘條無此則應同科矣邱壇享神之所境門迎神之所皆天子親臨致敬之處故重于神祠之物不分敘與誤者郊祀重地不得以誤而輕之也棄毀官物律計贓准竊盜論加二等罪止流此不計贓者以神御器重不得以賊之輕重論也而註有如價值重者以棄毀官物科最是如棄毀賊至八十兩竊盜加等應流二千里則重于本律之從三年矣

歷代帝王先師先農旗纛等神小祀謂凡載在祀典諸神惟帝王陵寢及孔子廟則傳制特遣

毀大祀邱壇

凡大祀邱壇而毀損者

不論故誤

杖一百流二千里

毀門減二等

杖九十徒二年半

○若棄毀大祀神御

兼太之物者杖一百徒三年

雖輕必坐

遺失及誤

毀者各減三等

杖七十徒一年半如價值重者以毀棄官物科

大祀天地有圓邱方邱即天壇地壇也社稷則同壇同壇境門壇外之垣有門以通

如遺失誤毀減三等應從二年重于本律
之徒一年半矣此亦從重之通例律未該
載而註補之也

毀壞損有別故與誤不同邱壇則一個論
罪而神御之物則分故誤所謂重則皆重
輕則皆輕之例也

前節損毀同言固無分別此言棄毀則損
與毀同有文耳不然損豈得勿論

巨等則社稷太廟皆同

條例

一

出入者也大壞曰毀小壞曰損祀事尊嚴
之地敢有毀損者杖一百流二千里壇門
減二等杖九十徒二年半○神御之物如
牀几帷帳祭器之類視邱壇有間若故意
棄去毀壞者杖一百徒三年無心遺失及
誤毀者減三等杖七十徒一年半社稷壇
與天地壇同中
祀有犯罪亦同

天地等壇內縱放牲畜作踐及私種藉田外餘地

并奪取藉田禾把者俱問違

制杖一百牲畜入官犯人枷號一箇月發落

一八旗大臣將本旗官員職名書爲傳牌挨次

遞交每十日責成一人會同太常寺官前往

天壇嚴查有放鷹打鎗成羣飲酒遊戲者卽行嚴

拏交部照違

刑律治罪

致祭祀典神祇

凡

各府州縣

社稷山川風雲雷雨等神及

境內先代

聖帝

明王忠臣烈士載在祀典應合致祭神祇所

在有司置立牌面開爲神號祭祀日期於潔

淨處常川懸掛依時致祭至期失誤祭祀者

所司官吏杖一百其不當奉祀之神非祀典而致所載

祭者杖八十

凡府州縣有司於載在祀典應合致祭神祇皆依期齋戒致祭若至期遺亡失誤者杖一百懲其怠慢於祀典也其非祀典所載不當奉祀之神邀福致祭者杖八十惡其瀆亂於淫祠也

歷代帝王陵寢

凡歷代帝王陵寢及先聖先賢忠臣烈士墳墓

所在有司當加護守不許於上樵採耕種及牧放牛羊

戮謂公罪實即僭越之罪也不能備其物則戮不當行其禮則殯

七燈疏義謂北斗七星之燈即所以拜斗者也指南謂是布日月五星之象者

謂用青紙書黃字表又則用黃紙皆以違于上帝之神者曰私家則在寺觀者非所禁矣蓋二氏之教各有其禮不復以正道貴之特在私家則不許耳

等畜違者杖八十

帝王陵寢載在會典及聖賢忠烈墳墓所在有司當嚴其禁以護之違者杖八十

褻瀆神明

凡私家告天拜斗焚燒夜香燃點天燈告天七燈

拜斗褻瀆神明者杖八十婦女有犯罪坐家長

若僧道修齋設醮而拜奏青詞表文及祈禳

火災者同罪還俗重在拜奏若止修齋祈禳而不拜奏青詞表文者不

禁○若有官及軍民之家縱令妻女於寺觀

神廟燒香者笞四十罪坐夫男無夫男者罪

坐本婦其寺觀神廟住持及守門之人不爲
禁止者與同罪

告天拜斗焚香點燈皆敬禱天神之事祀
典各有其分私家所得祭者祖先之外惟
里社五祀若上及天神則僭越矣僭越則
褻瀆矣故杖八十婦女無知事由家長故
獨坐之書詞表文所以告天也若僧道在
人家修齋設醮而行告天之禮拜奏青詞
表文及用以祈禱災者亦因僭越而致
褻瀆也故與告天等項同罪斷令還俗○
婦女無故不出外所以別嫌也若於寺觀
神廟燒香不獨褻瀆神明亦且傷敗風化
故縱容之夫男答四十無夫男即坐本婦
其住持僧道及守門人聽婦女出入不爲
禁止者亦

姦夫誘引婦女離木家而至別所通姦者
日乃姦此于寺觀神廟正乃姦也杖一百
即乃姦本罪男女同坐或姦後引誘婦女
逃走或姦時誑騙婦女財物並引此例若
止乃姦自依本律

本律止重在燭惑人民益以邪亂正愚民
易為搖動恐致生亂故立此重典所

條例

一凡僧道軍民人等於各寺觀神廟乃姦婦女
因而引誘逃走或誑騙財物者問各杖一百
姦夫發三千里充軍財物照追給主若軍民
人等縱令婦女於寺觀神廟有犯者杖七十
枷號一箇月發落

禁止師巫邪術

凡師巫假降邪神書符咒水扶鸞禱聖自號端
公太保師婆名色及妄稱彌勒佛白蓮社明尊

以防微杜漸也然師巫之類無知之徒妄立名目止圖誑騙人財者所在有之防禁當嚴若其有左道煽惑人民與律意未符者當別論之

教白雲宗等會一應左道異端之術或隱藏圖像燒香集眾夜聚曉散伴修善事煽惑人民為首者絞監候為從者各杖一百流三千里○若軍民裝扮神像鳴鑼擊鼓迎神賽會者杖一百罪坐為首之人○里長知而不首者各笞四十其民間春秋義社以行祈報者不在此限

師巫以書符咒水扶鸞禱聖等邪術假降邪神以惑愚民誦公太保男巫之俗號師婆女巫之俗號滿勤佛白蓮社明尊教白雲宗等皆邪教之名會其總綱也其類不

一故以等會字括之聖人之道最正此與
聖道相左而別爲一端者也以上均屬左
道或有不盡於此者故以一應字該之隱
藏圖像則非民間共事之神佛燒香集衆
夜聚曉散則其謀爲不軌之實跡陽以修
爲善事陰以煽惑人民徃徃藏奸因而作
亂故嚴其法以禁之爲首者絞爲從者各
杖一百流三千里○民間社會雖所不禁
若裝扮神像鳴鑼擊鼓是亦惑衆之端也
止將爲首之人杖一百者此等事必由倡
始之人以導之故不加於衆也○里長有
稽察之責知陋巫惑衆軍民賽會之事而
不舉者笞四十不言不知者其事非一人
一家所爲無不知之理也若民間所建義
社而鄉人春秋迎賽以祈年報穀者雖
用鑼鼓聚集人衆不在此應禁之限

條例

此例分兩項前段扶禱禱聖等事之為首者已應照律坐絞改止曰為從者後之燒丹煉藥則言為首者也燒丹煉藥止為誣騙人財必于扶禱等事然亦是邪術例意重在來京出入官家皇城黃緣希用必事與例合乃可引按

一各處官吏軍民僧道人等來京妄稱諳曉扶禱禱聖書符咒水一切左道異端邪術煽惑人民為從者及稱燒煉丹藥出入內外官家或擅入

皇城黃緣作契希求進用屬軍衛者發邊衛充軍屬有司者發邊外為民若容留潛住及薦舉引用隣里知情不舉并

皇城各門守衛官軍不行關防搜拏者各參究治罪

亦分兩項前之左道惑眾云云其為
之徒為善友云云則必至十人以上與
藏於引提聽事清檢與應錄卷者方合
此充軍之例
善友亦即邪教之名

一凡左道惑眾之人或燒香集徒夜聚曉散為
從者及稱為善友求討布施至十人以上并
軍民人等不問來歷窩藏接引或寺觀住持
容留披剃冠簪探聽境內事情若審實探聽
軍情以奸細
論及被誘軍民拾與應禁鐵器等項事發屬
軍衛者發邊衛充軍屬有司者發邊外為民
一習天文之人若妄言禍福煽惑人民者照律
治罪

一凡端公道士作為異端法術醫人致死者照

關殺律擬罪

一 邪教惑眾照律治罪外如該地方官不行嚴禁在京五城御史在外督撫徇庇不行糾參一併交與該部議處旁人出首者於各犯名下併追銀二十兩充賞如係應捕之人拏獲者追銀十兩充賞

一 凡有奸匪之徒將各種避刑邪術私相傳習者爲首教授之人擬絞監候爲從學習之人杖一百流三千里若事犯到官本犯以邪術

架刑者照規避本罪律追加二等罪止杖一百流三千里其犯該絞斬者仍照本罪科斷至事犯到官本犯雇人作法架刑者亦照以邪術架刑例治罪並究出代爲架刑之人照詐教誘人犯法與犯人同罪律至死減一等得贓照枉法從重論保甲鄰里知而容隱不首者照知而不首本律笞四十地方官不行查拏者照例議處